



**Конституциялық заңнама, сот жүйесі және құқық қорғау  
органдары комитеті**

(Комитет)

010000, Астана қаласы, Мәңгілік Ел даңғылы, 4,  
тел.: +7(7172) 74 72 54, 74 72 55,  
тел/факс: +7(7172) 24 29 08,  
E-mail: hat\_senat@parlam.kz

010000, город Астана, проспект Мәңгілік Ел, 4,  
тел.: +7(7172) 74 72 54, 74 72 55,  
тел/факс: +7(7172) 24 29 08,  
E-mail: hat\_senat@parlam.kz

20 \_\_\_\_ ЖЫЛҒЫ \_\_\_\_

от \_\_\_\_ 20 \_\_\_\_ года

№ \_\_\_\_

**«Қазақстан Республикасындағы еңбек  
мигранттары мен адам саудасы  
құрбандарының құқықтарын қорғаудың  
өзекті мәселелері» тақырыбына арналған  
Комитет отырысының нәтижесі бойынша  
Қ О Р Ы Т Ы Н Д Ы**

Астана қ.

2024 жылғы 27 ақпан

Қазақстан Республикасы Парламенті Сенатының Конституциялық заңнама, сот жүйесі және құқық қорғау органдары комитеті «Қазақстан Республикасындағы еңбек мигранттары мен адам саудасы құрбандарының құқықтарын қорғаудың өзекті мәселелері» тақырыбына арналған Комитет отырысының нәтижесін қорытындылай келе:

**1. Қазақстан Республикасының Ішкі істер министрлігіне:**

1.1. Адамдарды заңсыз әкетуге, әкелуге және адам саудасына қарсы күрес мәселелері жөніндегі ведомствоаралық комиссияның жұмысын үйлестіруді күшейтуді.

1.2. Адам саудасына қарсы іс-қимыл саласында ақпарат және тәжірибе алмасу үшін халықаралық және үкіметтік емес ұйымдармен ынтымақтастықты дамытуды.

1.3. Мүдделі мемлекеттік органдармен бірлесіп, Қазақстан Республикасы Үкіметінің Адам саудасына байланысты қылмыстардың профилактикасы, алдын алу және оларға қарсы күрес жөніндегі 2024 – 2026

жылдарға арналған іс-шаралар жоспары шеңберінде құқық қорғау органдарының қызметкерлерін, сондай-ақ басқа да мүдделі мемлекеттік органдардың мамандарын оқыту бағдарламасын іске асыруды жалғастыруды.

1.4. Халықтың адам саудасы саласындағы проблема, оның ішінде оның алдын алу жолдары туралы хабардар болуын арттыру мақсатында ақпараттық-түсіндіру жұмыстарын жүргізуді.

1.5. Адам саудасының құрбаны болу қатері басым халықтың топтары арасындағы жағдайға тұрақты түрде талдау жасау және тәуекелдерді бағалау тетіктерін әзірлеп, енгізуді.

1.6. Адам саудасына қарсы күрес саласында, оның ішінде құрбандарды қорғау және оларға көмек көрсету мәселелері бойынша үкіметтік емес ұйымдармен ынтымақтастықты жалғастыруды ұсынады.

## **2. Қазақстан Республикасының Еңбек және халықты әлеуметтік қорғау министрлігіне:**

2.1. Еңбек мигранттарының құқықтарын қорғау бойынша қосымша шаралар қарастыруды.

2.2. Қазақстан азаматтарын көптеп тартатын негізгі елдермен еңбекші мигранттардың құқықтарын қорғау жөніндегі екіжақты шарттарды жасасу және іске асыру жөніндегі жұмысты жалғастыруды.

2.3. Еңбекші мигранттар үшін олардың Қазақстандағы құқықтары мен міндеттері туралы, сондай-ақ олардың құқықтары бұзылған жағдайда қолжетімді қолдау және қорғау шаралары туралы ақпараттық-түсіндіру жұмыстарын жалғастыруды.

2.4. Адам саудасының құрбандарына медициналық, психологиялық, әлеуметтік және құқықтық қолдауды қоса алғанда, кешенді арнаулы әлеуметтік қызметтер көрсетуді жалғастыруды.

2.5. Адам саудасының құрбандарына қызмет көрсететін дағдарыс орталықтары желісінің жұмысын күшейтуді және көрсетілетін қызметтердің қолжетімділігін арттыруды.

2.6. Адам саудасына қарсы күреске тартылған еңбек инспекторлары мен басқа да мамандардың мәжбүрлі еңбек құрбандарын анықтау және қайта бағыттау бойынша жұмысының тиімділігін арттыруды ұсынады.

Орындау туралы ақпарат 2024 жылғы 7 қазанға дейін берілсін.

**Комитет төрағасы**

**Н. БЕКНАЗАРОВ**